

DISCURSUS POLITICUS  
DE  
FOEDERIBUS,

*Quem*  
ADJUVANTE IP SO FOEDERUM  
AUCTORE DEO,  
P R Æ S I D E  
V I R O

*Clarissimo atq; Excellentissimo*

DN. M. GOTTFRIDO ZAPFFIO,

Philosophiæ in Illustri Salanâ Professore Pu-  
blico Extraordinario: Dn. Præceptore, Patrono  
ac Promotore suo æternum suspi-  
ciendo,

*Publicè ventilandum*

*exhibet*

GEORGIUS NEUMANN Perlebergensis  
Marchicus,

AUTOR & RESPONSOR.


*Add. 21. Januarij.*

horâ locoq; solito.

---

7ENÆ

Typis JOHANNIS NISII, ANNO  
M DC LX.



IN NOMINE DOMINI NOSTRI,  
JESU CHRISTI AD OMNES ACTUS  
OMNIAQUE NOSTRA PROGREDIMUR  
STUDIA:

PROOEMIUM:

**I**lle plerorumq; mos est ac con-  
suetudo, ut in cōmendatione thematū,  
quæ suscepere tractanda, maximoperè  
desudent, nec non in decantandâ eorum  
præstantiâ, utilitate ac necessitate sint  
toti. Quid nî igitur & hoc nobis, *fa-*  
*derum* materiam sub disquisitionis incudem revocatu-  
ris liceat? quid verat quo minùs in hâc disertatione fa-  
ciamus idem? Cœterum cùm vino vendibili non opus  
sit suspensâ hederâ, nemoq; sit, qui nostræ hujus materiæ  
præstantiam nesciat, sine ulla potiùs prolixitate ad rem  
ipsam nos conferimus. Ne autem propositum no-  
strum sine ordine aggrediamur, certa quædam constitui-  
mus membra, iisq; rem totam includimus, eo, qui se-  
quitur, modo.

MEMBRUM I.

DE

ONOMATOLOGIA.

§. I.

**N**otum est quod Onomatologia, quam optimi quiq; sem-  
per docent præmittendam, tria contineat, Etymologiam  
nimirum, Homonymiam, & tandem Polyonymiam,  
eadem ergo capita sectamur quodq; impræsentiarum.

A 2

Etymo-

*Etymologiam* quod spectat, variz inveniuntur apud varios autores fœderis derivationes. Quidam putant illud dici a *Fœcialibus*, qui sacerdotes erant, per quos fiebant fœdera, sicut per seculares bella & pro hac sententia citatur *Isidorus*. lib. 18. c. 1. Alii dicunt descendere eam vocem à *feriendo*, eò quod per fœdus feriatu-  
 pax inter dimicantes, quam tamen originationem improbat *Warem*: ab *Ehrenb.* l. 1. c. 3. n. 22. Nec desunt quibus derivatio fœderis à *fædo* deducta arridet, vel per antiphrasin, quod sit res *quasi minime fœda*, vel à *porca fædè* & crudeliter, *occisa*, cujus mors optabatur ei, qui à pace resiliisset, ut infra dicitur. Plures sunt, qui *fœdus* deducunt à *fide*, ratione denominationis desumptà, *modo à fine*, quem fidem esse dicunt, cum propterea fœdus inecatur, ut inter partes constet, *modo à fundamento*, quia cum fide bonà fœdera sunt ferienda. Et quidem ultimam hanc originem confirmamus ex hoc, quod antiquitus pro fœdus scriptum fuisse dicatur *Fidus*, ut & *fedus*, citatis *Varrone* & *Ennio*. Nos, si quæ vera derivatio hujus vocis datur, omninò etiā hanc posteriorem amplectimur, ut plurimorum non exiguæ autoritatis Virorum autoritate fultam, rei; ipsi parum abfimilem. Græcis propriè fœdera dicuntur *συνθήκαι* q. *compositiones*, ut videre est apud *Arist.* 3. *Pol.* 9. item *συμβόλαια*. *Arist.* l. ad *Alex.* c. 3. porrò *ἔρκια* ab *ἔρκω* seu *juramento*, quo fœdera solent confirmari, & si quæ, sunt plura nomina præsertim apud Poetas usitata. Hebræis dicitur fœdus בְּרִית à rad. בָּרַח *elegit*, quia eligantur personæ inter quas, & res ac conditiones propter quas fœdus initur, vel à בָּרַח *exscidit*, quia victimæ cœdi solebant in fœderibus pangendis, *Buxtorf.* in voce בָּרַח Germani vocant *Bund* / *Bündnüss* à mutuâ obligatione. Sic etiā Itali dicunt *lega*, & Angli *league* à *ligando*; Galli *alliance*, ab *alligando* refer. *Mart.* in *Lex. Philol. Vocabulum Liga* Pontificiis familiare esse solet.

§. 2. *Homonymia* sequitur, quæ sanè magna est in hac voce, ne verò plus justo simus prolixi, tritiores saltem significationes evolvemus, easq; quæ nostræ tractationi videntur obfuturæ. Sumitur ergo fœderis vox l. pro quolibet pacto, quâ ratione etiā sub se comprehendit pacem & inducias. 2. Pro qualibet conspi-  
 ratione etiā illicita. 3. Prout etiā includitur fœdus *miserabile*,



*foede*, ubi victi concedunt in tutelam victoris, quod & *deditionis* appellat *Tholof.* 11. de Rep. c. 11. §. 5. per quod dediti evadebant tributarii communis & alterius partis, licet nos etiam quædam *foedera* inter victores ac victos propriè dicta statuamus aliter ac multi, qui universaliter loquuntur. 4. Prout pactionem inter superiorem & inferiorem etiam complectitur. 5. Pro tali pactione, quæ est de aliquâ re præstanda, inter summos imperantes, sive diversas Respublicas, quæ posterior acceptio est solum propriè ac strictè dicta, reliquæ omnes huc non pertinent. Dicitur hoc aliàs *foedus æquum* ut & *æquale* *Tholof.* 1. 11. de Rep. c. 11. §. 8.

§. 3. *Synonymia* superest: Vocatur ergò *foedus* alio nomine *Unio* ab uniendo. Antiquitus apud Romanos confœderati communiter dicebantur *fozii*, indeq; oriebantur, *foviales*, clasces, copiæ *foviales* & bella *foviaalia* &c. ut passim occurrit apud Rom. Historiographos.

## MEMBRUM II.

DE

# PRAGMATOLOGIA.

§. I.

**E**Xcusis nunc iis, quæ ad nomen spectant, realis perpendenda venit definitio: Varix equidem extant *foederum* definitiones, quas tamen omnes hic recensere ac compilare, aut examini subijcere non est animus; præcipuas tamen enarrabimus, eamq; quæ maximè ad palatum nostrum esse videbitur subnectemus. Quiddam igitur hanc definitionem tradere solent.

*Fœdus est publica populorum Principumvè inter ipsos conventio in perpetuum concepta.*

Quæ definitio, cum sit angustior suo definito, adeoq; naturæ ipsius rei non respondeat, meritò improbatùr à Reinhardo König disp. 3. de *Amplificat.* 1. *Rerum publ. per fœdera.* th. 4. Quo nomine etiam dammandus venit Petrus Gregor. *Tholosanus*, qui lib. 11. de *Republ.* c. 11. n. 3. inquit: *Est quidem fœdus pactio societatis, at non simplex, sed iussu populi & Senatus auctoritate, aut Principe confirmata, neq; ad tempus, sed in perpetuum.* Non enim omnia *foedera* sunt perpetua, sed & quædam temporaria à Politicam doctrinam profitentibus conlitiuntur, prout in membro 4. Videbimus. Aliam & qui-

dem pleniorē, quamvis paulō prolixiorē tradit *Warem.* ab *Ehrenberg in meditam:* pro *fœder.* lib. 2. c. 1. n. 14. quam apponere libet. *Fœdus* est *Principum duorum vel plurium, aut populorum vel Civitatum liberarum pactio publica & conventio indefinitæ, vel ad certum tempus, justè, legitimè, & necessariò, ad repellendam vim ad rem communem vindicandam: vel injuriam à communi hoste illatam, vel ad defendendam religionem ac cultum DEI, vel libertatem & Rempublicam conservandam, vel mutuam amicitiam retinendam, aut mutuis auxiliis ad hostem persequendum, initio vel tractu temporis existentem instat.* jure *divino, Gentium ac Civili, introducta, ac hodiè plerumq; juris jurandi religione, & datis obsidibus seu fidejussoribus, & scripturâ interveniente approbata.*

§. 2. Breviorē ex *Johanne Hockenhaff,* refert *Besoldus* lib. 2. *Pol. c. 6. th. 3.* ut & *Reinhard König. d. 1.* quæ talis est: *Fœdus* est *pactio publica duarum vel plurium Rerumpublicarum de re quapiam sibi mutuò præstanda: Quam ut concisiorē cum Du. Besoldo, retinendam putamus, quamvis suprà ex Warem. ab Ehrenb. adductam propter nimiam suam prolixitatem non in totum abjiciamus.*

§. 3. Et sic cum *Du. Besoldo* à confœderatis separamus populos simpliciter amicos, qui sibi nihil ex singulari præstant pacto, & inter quos commune saltem valet *Jus Gentium*, ut nempe liceat in amicorum fines ire, agere, in urbibus commorari, in amicorum negotiari sinibus.

§. 4. Præcedente §. 2. in definitione fœderis genus posuimus *Pactionem*, quæ est duorum vel plurium in idem placitum consensus, cujus variz suppeditantur divisiones, inter quas & ea est, quæ *pacta publica* alia dicuntur, alia *privata*, quarum illa loci hujus sunt propria, & ea propter in definitione adjecta est *vocula Publica* duarum vel plurium *Rerumpublicarum*, ut excludi videas *pacta privata*, quæ inter singulos particulatim homines ineuntur & de rebus privatorum sunt, horum enim conventiones nusquam pro fœderibus agnita, sed conspirationis & conjurationis nomine veniunt. Adjicitur porro in definitione de re quapiam sibi mutuò præstandâ, intellige honestâ atq; licitâ, Talia enim *pacta*,  
quæ

quæ sedunt pietatem, existimationem, verecundiam nostram, ac contra bonos mores fiunt, nec facere nos posse credendum est.

§. 5. Non hûc etiam pertinere putamus inducias vel Treugas. quæ sine totoq; genere à foederibus differre videntur. In foederibus una pars alteri præstat, quod jure Gentium sine pactione non teneretur præstare. Induciæ autem & Pacificationes subsistunt in simplicibus juris Gentium terminis, ne alter alterum offendar. Befold. l. c.

### MEMBRUM III.

## NUM LICITA SINT FOEDERA.

§. 1.

PRæiusquam ad hanc descendamus quæstionem, pauca de origine & causâ foederum præmittenda erunt. Hanc autem causam triplicem facimus; promanasce enim dicuntur 1. ex jure naturæ propter commerciorum necessitatem; cum enim non omnis ferat omnia tellus, unius indigentia alterius sublevari debet abundantia. 2. Ex jure Gentium quia se omnes tueri non poterant. 3. Ex vi atq; præscripto necessitatis, cum enim crescerent injuriæ, ratio inventa, quæ per foedera afflicti affligentibus pares redderentur: Videantur. *Cl. Dn. Grandenstern ad Boxhorn. lib. 1. Inst. Pol. c. 11. de fœder. explanatione ad §. 2. p. 238.*

§. 2. Cum autem sæpissimè in deliberationibus agi soleat, *Utrum fœdera ferienda, & an à salute Republica sint vel minus?* non licet pede prætereundam hanc duximus quæstionem. Notandum si quid hoc in negotio valeret iudicium, affirmativæ subscriberemus sententiæ, nihil eorum quæcunq; etiam speciosè satis contra hanc asserri possent assertionem, morantes fundamenta, si modo non tantum divino & naturali, sed & Gentium juri fœdera hæc consentanea esse probaverimus.

§. 3. Et ut de jure Divino hanc nostram exordiamur probationem nullum tam perfrictæ frontis, qui talia negare audeat futurum speramus nunquam etenim & nusquam fœdera bonum in finem unita à jure divino improbata, sed in contrarium à sanctissimis viris frequentata, & ab ipso DEO æstimata leges *Genes. 21. v. 24. c. 26. v. 28. it. c. 31. v. 44.* Legimus etenim ibi primum sociale fœdus inter Abimelech & Abrahamum jurejurando firmatum esse *Genes.*

Genes. 21. inter Isaacum & Abimelech continuatum. Quæ ta-  
men si quis potius privatorum pactorum redolere dicat naturam  
ex multis pauca, & quidem temporis redimendi gratiâ publico-  
rum fœderum recensere exempla Non in obscuro est  
Josuam cum Gibeonitis Jos. 9. Davidem cum Senioribus Israël.  
2. Sam. 5. Jojadam cum Præfectis Militum 2. Reg. 11. fœdus pe-  
pigiſſe. Quæ, si non tanti ponderis esse videantur, ut  
DEI circa fœdera complacentiam probent, hoc unicum nobis ar-  
gumenti loco sit, quod tales fœderum violatores DEUS non im-  
punitos fore promiserit, graviter namq; apud *Ezechielem*. c. 17.  
v. 15. inquit. *Numquid prosperabitur vel consequetur salutem, qui  
fecit hæc? & qui dissolvit pactum, numquid effugiet? Ware. ab  
Ehrenb. l. 1. c. 1. n. 12.*

§. 4. Jus Naturæ quod attinet, nec ex hoc, fœdera legitimè  
contracta, licita esse difficile erit probatu, fatentur enim quot-  
quot philosophantur, copulare amicitiam, naturæ consentaneum  
ac affine esse. Arist. 4. Eth. nec de genere prohibitorum; & quis  
negabit homines uno ac quasi communi fœdere benè conglutinari,  
cum natura ipsa cognationem quandam inter nos constituerit?

§. 5. De Jure Gentium quin sint licita fœdera nullus ambi-  
go; hoc probant varia fœderum exempla, quorum plei sunt hi-  
storiorum libri; Sic primum fœdus inter Medos iktum, cum clau-  
sulâ citra dolum fraudemq; recenset ex Herodoto *Ware. lib. 1.  
c. 2. n. 33.* Sic Lacedæmonii Argivos fuderunt, & postea fœdus cum  
illis pepigerunt apud Tegzam. Sic Athenienses cum Pelopone-  
siacis populis triennale fœdus contraxerunt, quod 14. annis du-  
ravit A. M. 3503. ante C. N. 445. illibatum, attestante *Ware. l. c.*  
Celebratur etiam Atheniensium & Corcyrazorum fœdus, quod ta-  
men occasionem bello gravissimo dedit. Clarissimum est fœdus  
& magnum Germanorum contra Romanos & Gallos temporibus  
Imperatoris Constantii factum, bellum Alemannis & Svevis in-  
dicentis, quo fœdere Reges, Principes ac primores implicati in  
Galliam duxerunt 35000. solertissimorum militum, Gallicas ur-  
bes occupantes, & oppida Rheno vicina destruantes, Gallorumq;  
11000. in servitutem ducentes. Incognitum quoq; non est fœdus  
inter Carolum Magnum & Nicephorum Græciæ Imperatorem A.



C. 803. idum, cui interfuit Comes Poppo Hennebergensis, prout ostendit *Ware.* d. c. 2. n. 34. Nihil jam dicemus de fœdere Bohemico inter Maximilianum II. & Saxon Ducem sancito; Nihil de Danico & Holsatico. A. C. 1580. hæc conditione inito, ut quisquis Holsato hostis declaratus sit, idem Dano sit inimicus, & è converso: Non attingemus Smalcadicum in Comitatu Hennebergensi Smalcaldiz, mense Novembri Anno 1529. initum. Extat & aliud fœdus, cujus Imperator f. Dux olim erat Albertus Bavariz Princeps Anno 1556. factum, quo & Noribergenses & alii Evangelici continebantur. Et quid opus est præterita revocare, cum toto die omnis mundus scateat fœderibus. Hæc igitur exempla abundè nostram juvare existimo sententiam, cum hoc in articulo plus ferè exempla, quàm rationes valeant. *Ware.* d. c. 2. n. 37.

§. 6. Ex his omnibus nullo negotio obices à Pseudopoliticis istis objecti removeri possunt, qui vel malitiam hominum, vel abusum rei optimæ vel incertum confœderationis eventum concernunt. Ecquid enim hæc? ob improbitatem vitæ fœdera fugienda censes? vites itaq; omnis generis conventiones, etiam Ungariæ cum Turcis pactiones: ob insperatas vicissitudines fœdera improbas? rerum naturam mutes: superbiam immoderatumq; factum accusas? abusum accusas: infidelitatem & inconstantiam deploras, & pōtentibus non fidendum asseris? dum caves, alii te decipient: DEO soli & protectioni divinæ omnia tribuenda clamas? ergò media tollis: cum aliis fœdera inita times? non times, quod solus es: Disensionem ex fœderibus oriri probas exemplis? faciliior extra fœdus erit: infaustum prælium times? vinci solum pejus erat: Pacem laudas? non immeritò, nihil tamen aut est faciendum injustè, aut patiendum turpiter, ut pace frui valeamus *Cic. 1. off.* nec pax obstat fœderibus, imò illis conservatur, & bellum impeditur.

§. 7. Concludimus igitur cum *Melch. Jun. part. 1. Quæst. 74.* Quòd 1. ad bellum feliciter gerendum fœdera & societates sint necessariæ, 2. quòd fœdera tùm gloriam tùm potentiam nostram augeant. 3. Quòd natura ipsa societates & auxilia communia requirere videatur, quandoquidem ipsi homini duplices manus, socias aures, oculos geminos tribuerit, ut robustius perageretur of-

ficiū, quod duorum ſocietate complendum ſit: Concludimus ex abundante & hunc in modum: Quibuscunq; conceſſum eſt bella gerere, iis utiq; & ſœdera pangere conceſſum erit ꝑ ratio connexionis eſt, quòd jus belli & ſœderis pari paſſu ambulent, quam communem Dd. & Politicorum ſententiam eſſe, tradit *ReinK. de R. S. & E. lib. 2. c. 1. 3. c. 3. n. 25. & 60.* Fœdera igitur bona per ſe, & in ſe optimum pharmacum contra inſidias & molitiones aliorum, licet aliquid veneni ex malitiâ hominum attrahant: Bona bonis, improba improbis.

#### MEMBRUM IV.

DE

### DIVISIONE FOEDERUM.

§. 1.

**V**ariæ ſolent afferri communiter ſœderum ſpecies, ut quòd alia: ſœdera ſint licita, alia illicita, alia ſint reciproca ſ. aqualia, alia miſerabilia. ſ. dedititia; Sed quia illicita & miſerabilia ſœdera ſunt ſolum æquivocè talia, ut ſuprà dictum fuit, propterea meritò has diviſiones præterimus.

§. 2. Noſtra verò ſœdera, de quibus im præſentiarum eſt ſermo, dividi poſſunt etiam multipliciter. 1. *Ratione Objecti* præſtandi, ſeu earum rerum, de quibus fit promiſſio, & ſic alia ſunt 1. *Commerciorum*. 2. *Alia adjumenti ſ. auxilii*. 3. *Alia commerciorum & adjumenti ſimul*, quam diviſionem tradunt *Cellar. inſt. Pol. c. 13. §. 7. Reinhard. König. p. 1. theatr. pol. c. 5. p. 120.* Illa ſunt pacta circa res importandas, & exportandas, earumq; ſecuritatem, ne injuria afficiantur. Illa ſunt circa ſuppeditas ferendas in bello: Hæc ſunt, ubi uterq; ſinis conjungitur: Ubi notanda 1. adjumentum poſſe fieri variè, vel enim fit in eàdem re, cum utraq; pars ſocietatis idem promittit ac præſtat, quod altera; vel inſimili, ut cum una *Reſpublica* deſenſionem, altera pecuniam & com meatuum ſubmiſtrationem æquivalentem promittit. 2. Fœdera hæc eſſe vel æqualia vel inæqualia; Illa ſunt, cum omnes eorum partes æqualia ſecundum proportionem Arithmeticam præſtant; Inæqualia verò cum proportio Geometrica ſervatur, ita ut bonis ac viribus infirmior ac inferior minùs præſtet, quàm ſuperior. 3. Fœdera hæc eſſe duorum graduum, quædam enim ſolùm ſpectant deſen-

defensionem, ita ut partes sibi invicem adversus incursiones hostiles, & ubi defensivè pugnatur, suppetias ferre teneantur, alia verò simul etiam offensionem, qui gradus est major, ita ut si alterutra pars alicui bellum inferat ac offensivè pugnet, altera obligata sit etiam jungere vires. 4. Ad fœdus adjumenti pertinere etiam fœdus *Clientelare*, quod intercedit inter *Patrones* s. *defensores*, aut *Protectores* s. *Advocatos*, ut vocantur apud *Althuf.* in pol. c. 7. *Besold. Keckerman.* & alios, Germ. *Schutz- oder Schirmherren* & inter *Clientes*, Germanicè *Schirm-Verwandten*/ quod etiam si primo intuitu etiam improprie dictum fœdus, & quasi cum subjectione conjunctum videatur, benè tamen de eo scribit *Tholosanus lib. 11. de Rep. c. 11.* Qui se committunt in protectionem, non ideò amittunt libertatem & potestatem propriam, nec mutant Dominum, sed auxilio Protectoris ultrò se munire & defendere satagunt, nec protectio advocata alterius, eximit protectos à proprii Domini potestate, quamquàm protectionis nomine beneficium aut pensio, sive census Protectori præbeatur: Nam causa protectionis non habet jus dominii, quemadmodum nec auxiliarii milites mercenarii ideò Reipublicæ domini sunt, quod stipendio ad auxilium & opem & protectionem nostram advocentur. Neq; officiant exempla, quibus docetur, aliquos ex protectionis officio transisse in usurpationem potestatis: Nam aliud est invadere potestatem, aliud protegere. 5. Nos nobis non contradicere, cum supra fœdus inæquale, quale dictum fuit dedititium, fœdus improprie dictum vocavimus, modò verò in hoc eodem §. fœdus adjumenti diximus etiam quandoq; esse inæquale, aliud enim est, cum supra locuti sumus de inæqualibus fœderibus ratione inæqualitatis personarum & potestatis, & aliud cum jam sermo fuit de inæqualitate rerum præstandarum. 6. Dari posse forsàn plura membra hujus divisionis, pro diversitate objectorum, de quibus pangi potest, c. g. de successione, cum duo vel plures imperantes ita inter se conveniunt ut unius familia extincta altera succedat, quod fœdus dici solet confraternitatis, haud dubie quia pangentes in eo statu ponit, in quo alias, quantum ad successionem, esse solent fratres. Germ. dr. *Erbsverbrüderung.*

§. 3. Dividitur 2, ratione personarum contrahentium fœdus

in *Personale & Reale*: per Personale intelligitur, quod cum certis personis pereuntur, quibus expirantibus ipsum quoq; cessat: Reale, quod cum totis Rebus publicis pangitur; Reale enim hîc vocatur omne illud, quod non pertinet ad certam solùm personā, quā ratione hos terminos sumunt, qui duplicem Majestatem asserunt nempe Personalem & Realem. Reale igitur fœdus hanc proprietatem habet, ut obliget etiam successores: nec ullius momenti est, quod quidam putant, antecessorem successori non potuisse imponere necessitatem, quia si successor cedit in locum, etiam cedit in obligationem & debitum, sicut si quis velit alterius hæres esse, meritò etiam videtur teneri, ad solvenda ea, quæ debuit alter. Præsertim in Regnis electiis defuncto imperante, majestas recidit in parentes, qui, cum antea cum iis pactum fuerit etiam sub persona imperantis, haud dubiè adhuc tenentur, quoties ergò novus imperans creatur & majestatem ab illis accipit, non potest etiam aliter eam habere, nisi cum eadem obligatione, & ratio hujus rei est, quia hæc obligatio non adhæret personis sed majestati, propagata ergò hæc, etiam propagatur illa.

§. 4. *Ratione durationis* dividitur fœdus in *perpetuum & temporariū*, quam divisionē Cellarius dicit eandem esse cum præcedente, quod si quis dicat, fœdus posse fieri ad annos ducentos, quod non sit personale, quia maneat etiam in personis, nec ultrà eas duret, & tamen non perpetuum. Ille sciat litem esse de termino, posseq; etiam hoc fœdus ad ducentos annos dici personale, quia licet non duret solùm ad ætatem personarum viventiu, restrictum tamen est ad eas personas intra ducentos annos existentes: Si verà quis Reale sumat, prout id omne Reale est, quod durat ultrà personas actu viventes, tùm distinctiones hæc non sunt eadem.

#### MEMBRUM. V.

DE

### PERSONIS AD CONTRAHENDA FOEDERA HABILIBUS.

§. 1.

QVod spectat, quinam contrahere fœdera possint, dicimus illud jus meritò tribui illis quibus Reipublicæ curæ est commissa,



misia, in Regno Regi, in Aristocratia optimatibus, & in Politia populo. Quia enim cura nemini committitur sine potestate circa ea, per quæ salus rerum curandarum potest obtineri, quæq; ad eam obtinendam sunt necessaria, consequens est, nec Imperantes hoccarere posse jure. Fœdera enim sunt, quæ non solum ob defensionem, verùm etiam alias causas sunt summè necessaria, ut dictum fuit supra.

§. 2. Majestati ergo competit jus fœderum, huicq; soli, hinc ubi personæ privatæ fœdera ineunt, ea non tam pro fœderibus, quàm pro conspirationibus ac factionibus illicitis sunt habenda. *Ubi tamen notatum volumus* I. Nos loqui de ordinario modo, scilicet enim est, ubi quibusdam potestas fœderum competit per privilegium, qui tamen Majestatem non habent. 2. Inferiores posse fœdera pangere, sed autoritate superiorum. 3. Si quis dicat excipere communem sententiam fœdera protectionis, quia ibi non mutetur dominus, nec protecti eximantur à proprii Domini potestate, respondere solent alii negando, quod subditi alterius protectione implorare non possint, quia sint in protectione sui Imperantis, in ejus contemptu vergat & præjudicium illa, excepto hoc casu, si verisimiliter timeant offensionem, nec superioris semper haberi possit copia, tunc enim præsumtionem malæ intentionis tolli. Quid si dicamus neq; hic inferiores autoritate propria, & ex jure ac potestate quadam propria pangere fœdera, sed cum consensu superioris, qui licet etiam non sit expressè datus, præsumitur tamen ob casum necessitatis adesse. Ut verò quis inferior seu subditus dici possit autoritate propria & ex potestate sua posse pangere fœdera, requiritur ut non possit prohiberi à superiori, nec ipse indigeat consensu, quomodo certum manet id fieri non posse. 4. Si quis opponat, fœdera fieri posse ab illis subditis, qui sub conditione subsunt, & ubi conditio non adimpletur, Ipsi responderemus, hoc non fieri ab ipsis quatenus sunt subditi, sed quatenus per non adimpletam conditionem à conditionata subjectione iterum sunt suæ potestatis ejusdemq; status, cujus fuerunt ante constitutum imperantem.

MEMBRUM VI.  
DE  
PERSONIS QUIBUSCUM CON-  
TRAHENDA FOEDERA.

§. I.

**H**Astenus qui foedera contrahere possint, sequitur jam quibus. cum ea contrahantur. Ubi monemus diversas esse quaestiones, quibuscum foedera iniri possint, & quibuscum omnino debeant, & quanam svadeat Reipublicae salus. Quod priorem concernit, regulariter foedera contrahi possunt cum iis, quos supra diximus eadem posse contrahere ipsos. Si verò de altera dicere velimus, considerata putamus personarum genium & Fortunas.

§. 2. Fortunae dores consistunt in potentia: Potentiam igitur eorum, cum quibus ineundum foedus, requirimus; Nam eos eligendos, vel iis adharendum esse, qui plurimum nobis in bello prodesse, & inimicis nocere possint, Politicorum svadet Chorus: *Potentes quarito, quia societates potentiores ad securitatem multum praestant, & alias egestas societatum dirimendarum causa existit. Arum. vol. 1. disc. 28. n. 43.* Observandum & hic dictum Hadriani; *in caducum parietem non esse inclinandum. Lips. 4. Pol. c. 9. n. 48.* Qui imbellium societatem ambiunt, querunt cum qua gente cadant; E contra illi, qui jungunt se potentiae & felicitate florentibus, adamantinos pro incolumitate sua clavos figere dicuntur. *Schönborn. 4. Pol. c. 36.* Quare locios foederis eligas divitiis & opibus instructos, nervus namque belli potissimum in pecunia consistit, nihilque tam munitum est quod non pecunia expugnari possit, & omnia castella haec machina dejiciet, in qua modò asinus onustus auro ascendere poterit, ut dicebat Philippus Macedo. Cum nimis tamen potentibus foedera non semper sunt tuta, sed cautè habenda. denn mit grossen Herren ist nicht gut Stetschen essen/ & periculo non caret wenn einer wil Gäste laden/ deren er nicht mächtig ist. *Feschius. disp. de foeder. th. 12.* cum facile fieri possit, ut socius in servum evadet, *Keckerm. 1. Syst. Polit. c. 24.*

§. 3. Vincinitatem insuper & hic requirimus; cum remotioribus enim nec tuta sunt foedera nec foecunda; Huc etiam facere  
vide.

videtur proverbium illud: *Procul qui habitant amici, non amici*; hinc germanicum illud, *Es ist besser ein Nachbar an der Wand; als ein grosser Freund über Land. Reinking. de R. S. & E. Lib. 2. Cl. 3. cap. 3. n. 35. p. m. 1027.* Si enim loci oportunitas absit, non facile periculo affulgebit auxilium, cum remoti non ita citò se nobis conjungere possint, & vicinorum animi arctius & quasi naturæ vinculo copulati videantur ad mutuum auxilium & defensionem. Absit tamen, ut miseros & afflictos aut valdè periclitantes, si valdè remoti sint, excludamus, ut potius eos in fœdus recipiendos existimemus: *Nihil enim Reipublice honestius, quàm maxime egentibus auxilium prestare, & in periculo versantibus succurrere* Bodin. l. 5. de Republ. c. 6. Comparatè tamen & alii melius esse putant, cum potentiore remoto, quam cum vicino infirmo fœdus inire, quod improbantem vide *Warem. ab Ehrenb. lib. 1. c. 2. n. 28.* Excipimus eum etiam casum, ubi res sit Reipublicæ cum peregrino, ita enim optimè cum ipsius vicinis inicitur fœdus, ut ab omni parte affligatur hostis, neq; omne bellum in nostram irruat Rempubicam e. gr. putamus salubriter iniri fœdus cum Persa, quoties bellum gerendum esset cum Turca.

§. 4. Ad cognoscendum genium, anteaكتورum accurata habenda est ratio, quâ fide nimirum & constantia se erga alios confœderatos suos gesserint socii *Athuf. in polie. c. 17. n. 31.* in quibus enim crudelitas, perfidia, nihil sancti, nihil veri nullus Dei metus, nulla jurisjurandi religio, nulla fortitudo, nulla constantia, ab eorum societate rectè abstinemus; Quapropter omninò providendum erit, ne in Leoninam societatem abeat confœderatio, quâ commodum omne ad unum aliquem redeat, reliqui verò fœderati interim onere quidem graventur, commodo autem fraudentur: Ergò unum debet esse omnibus propositum, ut & eadem sit utilitas uniuscujusq; & universorum, quam si ad se quisq; rapiat, dissolvetur omnis humana societas, docente *Cicerone 3. Off. p. m. 185.* Nec facile fides adhibenda ei, qui semel atq; iterum fallere consuevit; & hinc est quod Carolus V. negaverit posse se fidere Francisco I. à quo semel deceptus fuerit, & contra Francisco dixerit, tanto minus se posse fidere Carolo V. quantò magis is se deceptum existimabat, prout ex *Alberico Gentili de jur. bell. refert Eschius. d. disp.*

§. 5. Deinde multum momenti latet in fortitudine & magnanimitate, infelicitate, in similitudine politiz, religionis & morum, & deniq; in animorum conjunctione: de quibus hunc in modum loquitur *Warem. ab Ehrenb. lib. 1. c. 2. n. 33. Animi doctes, fides, fortitudo, prudentia, magnanimitas, sæpe opes in Principibus superant, ubi satius est, socios habere Attilium Regulum fortissimum, cui exiguus fundus satis fuit, animus magnus gravior. M. Publ. Scipionem cui funus de publico solutum ob rei familiæ angustias, Emilios 16. quibus una domuncula & unus fundus sufficebat, quàm vel Crasum locupletissimum, vel Neronem magnam pecunie summam in impurißima spectacula impendentem, vel Antiochum profusissimam prodigalitatem exercentem.*

§. 6. Consiliorum quoq; promptitudo & felicitas multum juvat potentiam, consiliis enim arma temperanda sunt *Althuf. in polit. c. 25. n. 19. & consiliis cautis potentia tutior habetur, & quies semper tutior, multa q; quæ naturâ impedita sunt, consiliò expedi- ri, Idem ex Livio refert ibid.*

§. 7. Quia etiam diximus requiri animorum conjunctionem, consequitur fœdera maximè consistere inter easdem specie Respublicas, & contra: Nam periculosa & dubia sunt fœdera cum iis qui in diversa Politice formâ vivunt. *Keckerm. lib. 1. Syst. Pol. c. 24. Althuf. c. 25. n. 22. Reinhardus König d. diss. 3. th. 87. hujus rei hanc reddit rationem, quòd diversitas imperii cum animorum plerumq; dissensione conjuncta sit, & consiliorum in agendo diversitatem pariat, quæ vel maximè fœderibus est inimica, utpote quæ diuturna esse non possunt, nisi animi & opinionum consensu, & consiliorum universâ conspiratione conglutinentur.*

§. 8. Sunt & qui ad firmitus animorum vinculum religionis consensum in confœderatis requirunt, quapropter etiam in præced. th. 5. religionis fecimus mentionem; idq; propterea, quòd vix firma sint futura jura pacis inter eos, inter quos est bellum fidei & qui fieri potest, ut homini sit amicus, qui DEO est infidus? inquit *Johan à Chokier lib. 1. Polit. Aphor. c. 11. Sed cùm optandum illud potiùs, quàm fieri posse sperandum, frustrâ talem consensum exis. Arum. vol. 1. disc. 28. n. 53,*

§. 9. Sic etiam magnam vim habet ad conjungendas amicitias,



tias, studiorum ac naturæ similitudo: dispares autem mores disparia sequuntur studia *Cic. in Lælio*; & fœderatorum voluntates contrariæ sunt tanquàm arena sine calce, quæ faciliè dissolvitur.

§. 10. Etiam pro periculosis reputantur fœdera cum domo vel familia semel offensâ, quia faciliè obducta semel cicatrix recrudescit: Ut etiam eò firmior sit animorum conjunctio, non consultum putant Politici, plures habere fœderum socios; multitudine enim faciliè distrahuntur animi, perfectaq; cum multis amicitia nemini intercedere potest.

§. 11. In specie huc pertinet ea quæstio vexatissima, an cum aliarum religionum hominibus bene ineantur fœdera ab Orthodoxis præsertim cum infidelibus sive paganis. Diversæ sunt hæc de re sententiæ, præsertimq; de ea disputatum fuit, cum Franciscus I. Galliarum Rex cum Turca fœdus iniret. Varios verò communiter solent distingvere casus, priusquàm, quid sentiant, dicant; nos nostram mentem in seq. conclusion: includemus, & simul, quod illi ob stare videtur, removebimus: *Fœdera cum aliarum religionum hominibus in se non sunt illicita, tamen non faciliè ineunda*: Prius membrum patet ex hoc unico, quòd nulla ratio afferri possit, nec ulla lex, secundùm quam hæc fœdera pro illegitimis possint haberi, ut patebit ex solutione argumentorum, quæ contra adducentur; Cui accedunt exempla sanctissimorum virorum, nempe Abrahami, qui cum Mamre, Escol & Aneri. *Genes. 14. v. 5. 13.* cum Abimelecho *Genes. 21. v. 32.* Item Isaaci cum Abimelecho *Genes. 26. v. 31.* & licet communiter pro verisimili habeatur hosce confœderatos eandem cum Patriarchis habuisse religionem, hoc tamen partim non est prorsus certum, partim etiam alia exempla possunt adduci nempe Jacobi cum Laban *Genes. 31. v. 44.* Josue cum Gabconitis. *Josue 9. v. 15.* Salomonis cum Hiramio *1. Reg. 5.* Judæ Maccabæi cum Romanis, *1. Maccab. 8. &c.* Imò quid hodiè frequentius est? Hæc ergò tam diu habentur pro licitis, donec ostendatur contrarium. Tandem si licet cum heterodoxis esse, quidni liceat etiam cum iisdem agere, justitiamq; in bellis legitimis per eos tanquam organa exercere. Videbimus verò quid afferatur: Proferunt communiter prohibitiones, *Exod. 23. v. 33. Num. 33. v. 55. Exod. 34. v. 15.* Respondet. hæc obligant solos Ju-

dzos, quos noluit DEUS conjungi cum gentibus Cananais, quæ jam tùm interneccioni erant destinatæ: Adducunt indignationem divinam propter ejusmodi conjunctiones cum infidelibus, cùm Rex *Affa Benhadab. 2. Chron.* imploraret, similiter cum Achas peteret auxilia Tiglath Philaslar contra Regem Syriæ. *2. Reg. 16. v. 7. 2 Chron. 28. v. 16 & 19. &c.* Respondetur: interminationes istæ vibratæ in fœdera inita cum infidelibus, non pendent ex ipsa fœderis natura, sed è singularibus vitiis & qualitatibus personarum fœdera contrahentium, jam, quia plus fiduciæ ponebatur in fœdere quàm in DEO, jam quia confœderatorum vitia imbibebantur &c. Objiciunt porrò, quod sæpiùs prohibeatur conversatio in S. Sc. Resp. κατ' ἀνθρώπων, quod communiter contrasentientes ipsi concedant fœdera pacis & commerciorum, solumq; negent fœdera auxilii. Et 2. quòd distingvendum sit inter conversationem Civilem & Spiritualem. Opponunt imminetia abundè pericula Resp. propter periculum aliquid non statim fit in se illicitum. Dicunt ex *1. Cor. 6.* Si Paulus indecens & nefas esse putavit Christianos homines propter lites & controversias civiles coram infideli judice litigare, & potiùs voluit injurias tolerare, quàm id cõmittere, quantò magis nefas erit infideles ad auxiliũ vocare? Resp. Paulus ibi non prohibet litium compositionem coràm infidelib; Magistratibus, sed potiùs rixas multiplices & vindictæ cupiditatem; Excipiunt per illa fœdera obscurari gloriam DEI, à quo sola sit speranda victoria. Resp. hoc argumentum ostendit & impugnat solum abusum; Instant: bella non minùs piè, quàm fortiter gerenda; hoc verò cum infidelium auxiliis fieri non posse. Resp. hoc est petere Principium. Addunt infideles non posse juramento confirmare fœdera, sed falsos Deos invocare. Resp. propterea non sunt illicita ea fœdera, imò superstitio fidelium eos non minus, nisi magis cõstrictos, tenet ad fidem servandam, ut patet copiosè ex exemplis: *Posterius membrum tam certum est, ut id neminem facile negatum credamus, ob multa pericula, quæ inde emergunt, nempe seductionis, scandali.*

## MEMBRUM VII.

DE

## QUANAM RE SINT CONTRA-

## HENDA FOEDERA.

CONsideratâ præcedentibus duobis membris Causa Efficiente, sequitur ut de Materiali causa pauca subjiciamus: Ut autem brevitati studeamus, dicimus: Materiam maximè consistere in rebus, pro quarum defensione fœdera suscipiuntur; Sunt autem istæ res vel sacre, puta, Religio, vel Pæphanæ, ut Jurisdictiones & territoria: Sed hæc ita occurratè determinari non possunt, vel enarrari; Potest enim fieri fœdus de unaquaq; re, quæ licita est ac honesta, & quâ opus habet Respublica, sive ad esse, ut se habet de fensio, sive ad bene esse, qualiter comparata sunt mercimonia & commercia.

## MEMBRUM IIX.

DE

## CONDITIONIBUS ET CAUTELIS

## CIRCA FOEDERA OBSER-

## VANDIS.

§. I.

ET ut nos paucis expediamus, *condiciones fœderis æque ac honeste ut sint*, requirimus. Bodin, lib. 5. de Republ. c. 6. *Non pugnantibus cum pietate aut virtute aliquâ Politica, sed potius ad earum præsidium facientes; Non aliorum injuriam & oppressiorem libertatis, nec solum bonum utile pro mera habentes* Bepold. d. disp. 6. th. 28. *Cavendum ergo maximè, ut rectè monet Warem. lib. 1. c. 2. n. 84. Ne utilitatis & privati commodi, vindicande injurie leviuscule illata gratia, & respectu occulti honoris vani, voluptatis ludicre, ludi jociq; gratiâ, vel securitatem in carnis mortalis brachio quærens quis contrahat fœdus: Nisi enim quis ad DEI gloriam, proximi dilectionem, patriæ libertatem, subditorum conservationem respexerit, & ut Majestas & Religio salva sit, is finem & effectum fœderis ut non considerat, sic neq; causam & principium ejusdem intelligit. Nec solum honeste & æqua confederationes ut sint, necesse est, verum etiam possibiles, sc. ut pecuniarum & mili-*

*in auxilia, aliâq; necessaria præstari possint.* König. c. l. th. 110.

§. 2. Cum autem nullâ re magis Principes ac populi periclitentur, quam in pace cum hostibus sancienda, & in contrahendis fœderibus ac societate incunda, prout verè Bodin. l. 5. c. 6. certæ quædam cautelæ erunt observandæ. Unaquaq; enim res, quò majoris est amplitudinis & utilitatis, eò citius ad pericula prolabitur, suisq; certis limitibus communienda est. König. d. disp. 3. th. 90.

§. 3. Quare à Principibus & Rebus publicis fœdera cautissimè incunda, ne dum fœderibus promittuè se implicant, eorum occasione alienorum peccatorum, adeòq; alienarum pœnarum participes fiant; Qui enim se arctius fœderibus implicant, sæpenu- merò inviti rapiuntur ad negotia injusta & perniciosâ.

§. 4. Cùm potentioribus ira incantur fœdera, ne illi sub specie amicorum fiant Domini, & ita advocentur, ut abitus & disces- sus eorum maneat in Reipublicæ arbitrio. Aliàs enim Philippus occupat urbes Græciæ, Turca expugnat limites Europæ, Saxones retinent Britanniam & alii alias sub specie ferendi auxilii provincias. Præsertim ne exercitus sociales in ipsas munitas urbes intromittantur, caveatur maximè, nec exercitus robustior quàm par est, in provincias, secus enim occasio ansam dat perfidiæ ac occupandæ Reipublicæ. Præsertim prudentia opus est in in- eundo fœdere clientelari, præscribitq; Bodinus sequentia obser- vanda. 1. Ut æquisimis conditionibus uterq; teneatur. 2. Deinde ut protectionis tabule, quas protectionis literas vulgò vocant, Clientibus dentur à Patrono, quibus testatum sit Majestatis ac libertatis jura salva & integra clientibus futura. 3. Ut breviorum tempo- rum intervallo finiantur, ut, si clientibus graviora videantur, mu- tari, si honesta, continuari possint: Maximè verò observandum, ne clientum arces vel oppida prasidio militari teneant Patroni, quod observarunt Scoti, cùm in Anglorum protectionem venirent Anno 1559. Prudenter enim ab iis provisum est, ut & obsides Scotis daren- tur, quos renovare sexto quoquè mense, nec arcem ullam Anglis in Scotia habere liceret. Bodin. lib. 5. c. 6.

§. 5. Omnium etiam cautionum felicissima putatur, si fœde- ra affinitate & propinquitate contractâ jungantur, nam & aperta bella hæc ratione finiuntur. Besold. d. disp. 6. th. 31. Bodin. lib. 5. de



de Rep. c. 6. Sic etiam maximam & potentiam & auctoritatem, quæ fundamentum est potentie, adferunt honorata potentium connubia Adamus Contzen lib. 8. Pol. c. 24. §. 6. Quapropter Principi soceri generiq; querendi sunt potentes, aut ad res gerendas opportuni; *Et ita fieri videmus inquit idem, ut odia regia finiantur amoribus, & gentibus saluti sint connubia, nec ullâ re bella felicius quam nuptiis finiuntur.*

§. 6. Ponunt & hanc cautionem Politici, quam etiam bellariorum loco apponit Besold. d. disp. 6. th. 41. nempe *loca silentio involvenda, in quibus fœdera panguntur invidiosa.* Carolus enim Imperator Smalcaldiam civitatem, propter fœdus ibi factum, nisi intercessionem Mauriti Electoris placatus fuisset, solo æquasset, quod ex Spangenberg. in Chronic. Henneb. l. 5 c. 33. refert Kœnig d. disp. 3. th. 49. vid. Besold. d. disp. 6. th. 4. Warem. c. 2. n. 40.

§. 7. In fœderibus sancendis observandus quoq; est modus, qui debet esse clarus perspicuus & apertus; *Ambiguitatem igitur verborum præcidere, & quoad ejus fieri potest, de pactis conventis amputare inutile sinum erit, ne iustorum atq; iniustorum specie, perjurio latebra decipiendiq; occasio queratur: Tante siquidem sunt hominum fraudes, tot in mentibus latebra, tantiq; recessus, ut fidei violande occasio ex rebus quibuscq; levissimis queratur, quam persua deesse potest nemini perfidie latebras quarenti.* Bodin. d. c. 6. Merito igitur damnanda Cleomenis Regis Lacedæmoniorum malitia & calliditas, qui cum triginta dierum cum hoste pactæ essent induciæ, noctu populabatur agros, quod dierum essent pactæ, non noctium Induciæ. Alii verò non tantum verba, sed & syllabas aucupantur; uti contigit Philippo Hassiæ Principi, cui scripto inter alia à Carolo. V. cautum erat, daß er nicht einliger Gefängniß nicht beschweret werden solle / postquam autem filius huic cautioni Imperatori se stitisset, ab Albano Duce proditorie carceri mancipatur, cumq; urgeret Heros intrepidus contra datam fidem secum agi, ipsi producuntur literæ, quibus scriptum erat, daß er mit ewiger Gefängniß / &c. & ita ex voce Einlig / factum Ewig quod Jesuiticum, non Christianum.

## CEREMONIIS ET SOLENNITATIBUS FOEDERUM.

## §. 1.

**R**itus & solennitates in pangendis fœderibus adhibitz apud varias gentes variz fuere: Quo verò ritu fœdera Romani percusserint, eleganter ex Livio Rosinus lib. X. Antiq. Rom. c. 2. docet, cujus hæc sunt verba. *Fœdera alia aliis legibus, cæterum eodem modo omnia fiunt: Tum ita factum accepimus, nec alius vetustior fœderis memoria est; Fecialis Regem Tullum rogavit: Jubes. ne me Rex cum Patrepatrato populi Albani fœdus ferire? Jubente Rege: Sagmina, inquit, te Rex posco: Rex ait, puram tollio: Fecialis ex arce graminis herbam puram attulit: postea Regem ita rogavit: Rex facisne me tu Regium nuncium populi Romani Quiritium? vasa comitesq, meos? Rex respondit quod sine fraude mea populiq, Romani Quiritium fiat, facio: Fecialis erat M. Valerius is Patrepatrati Sp. Fusium fecit, verbenâ caput capitulosq, tangens, fœdus, multisq, id verbis, quæ longo effata carmine, non opere pretium est referre, peragit; Legibus deindè recitatis, Audi inquit, I Jupiter audi, audi Patrepatrato populi Albani, audi tu populus Albanus, ut illa palam prima, postrema ex illis tabulis cerave recitata sunt sine dolo malo, utiq, hæc a hodiè relictissimè intellecta sunt illis legibus populus Romanus prior non deficiet, si prior deficit publico consilio, dolo malo, tu ille Dieſtiter populum Romanum sic ferito, ut ego hunc porcum hodiè feriam, tantoq, magis ferito, quanto magis potes pollesq, idq, ubi dixit porcum saxo silice percutiebat.*

§. 2. Idem ex Polybio in commemoratione fœderis inter Carthaginenses & Romanos icti, ita scribit, Romanos in fœderibus feriendis jurasse Lapidem, cujus verba non abs te erit adicere: Romani, inquit, Jovem lapidem secundum vetustissimum ritum, ac per Martem & Eugalium jurarunt: Ritus verò jurisjurandi per Lapidem fuit hujusmodi: Fecialis summo in manibus lapide, postquam de fœdere inter partes convenerat, hæc verba dixit: Si reſtè ut sine dolo malo hoc fœdus utq, hoc jurisjurandum facio, Dii mi-

*hi cuncta felicia præsent: Sin aliter aut ego aut cogito, cæteris omnibus salvis, in propria patria, propriis legibus, in propriis laribus, in propriis templis, in propriis sepulchris solus ego peream, ut hic lapis è manibus meis decider, nec plura locutus lapidem manu dejecitbat: Modo panis vel salis libatione, modò vini aut contrahentium mutuâ sanguinis propinatione, & aliis modis variis apud veteres firmabantur fœdera: Sic apud Scythas qui egebat auxilio, immolato bove, carnibusq; decoctis, supra tergus victimæ humi jacebat, quem opem laturus accerserat, quo ipso fœdere se adstringebat, eoq; nihil ipsis erat sanctius, Unde natum proverbium: in tergoze bovis desedit, i. e. supplex auxilium petiit. Arabes fœdus ineuntes, alius quidam medio stans inter utrumq; acuto lapide feriebat volam, juxta majores digitos coëuntium, deinde sumpto flocco ex utriusq; vestimento, inungebat eo sanguine septem lapides in medio positos, invocans interim Boochum & Uraniam Felschius. d. disp. th. 14.*

§. 3. Ritus verò & solennitates, quæ hodierno tempore in pangendis fœderibus observantur, consistunt 1. in præsentia contrahentium, vel etiam ipsorum Legatorum; præstat tamen, si fieri possit, fœderum tractationi in personâ interesse Principes, cum multa accidere possint, cur ratum non habeant, quod per Legatos suus actum est. 2. In juramenti interpositione, licet Principum fides juramento æquipolleat. 3. In Scriptura, quæ requiritur, non quasi natura fœderis hoc exigat, sed potiùs consuetudo & prudentia mortalium, ex perfidia & caluminiola fœderis nundupativi interpretatione orta, quippe scriptura non pertinet ad substantiam sed probationem contractuum. 4. In Scripturæ perspicuitate ac formalitate, nam scripturam apertam, claram ac perspicuam esse oportet.

## MEMBRUM X.

DE

## FINE ET DISSOLUTIONE FOEDERUM.

§. 1.

**P**riusquam autem ad ipsam fœderum progrediamur dissolutionem, paucis de fine, cujus gratiâ ineuntur fœdera, dispiciamus.  
Hunc

Hunc autem confœderati sibi propositum habeant finem, ut primariò gloriam DEI, secundariò verò ipsam Reipublicæ promoveant salutem, & in specie, ut confœderati mutuis auxiliis juventur, vel ad profligandam subditorum rebellionem, aut barbariem exterorum bella inferentium extirpandam, vel ad religionem libertatem, bona defendenda, vel ad justè sibi debita, occupanda, aut ablata injustè, recuperanda vel si qui sunt fines alii.

§. 2. *Danda igitur est opera ne fœdera semel facta mutantur aut violentur* Melch. Junius. Quæst. pol. 74. *Nec probantur qui oblevissimas quasq; offensiones à sociis acceptas, ruptis fœderibus bellum inferre non dubitant, ut quondam Scoti adversus Pictos gravissima bella gesserunt ob canes ereptos, tametsi sexcentos ferè annos pacem ac societatem coluissent, ut memorat Bodin. d. c. 6. circa fin. fides enim semel data & hosti, & infideli, & hæretico servanda. Fœdera itaq; legitimè contracta, non temerè sunt violanda, nec facilè & qualibet levi de causâ dissolvenda.*

§. 3. Si igitur contentiones & controversias inter confœderatos oriri, prout oriri solent, contingat, non illicò ad arma perveniendum, sed hæc componendæ & dirimendæ judiciis sunt, omnia siquidem prius tentanda ac pleraq; dissimulanda sunt, *perfidia enim scelus adeò ipsi DEO & hominibus detestabile, ut fœdisfrago & perfidos DEUS impunitos nunquam relinquat*, Camerar. Cent. 2. f. Meditat. 78. circa fin.

§. 4. Consultum itaq; & utilissimum erit in omnibus Principum ac Rerumpublicarum fœderibus concipiendis, pactis conventis, arbitros & judices fœderum aut pactiorum constituere, si quæ inter socios controversia oboriatur, sic tamen ut in utramq; partem arbitri pares sint.

§. 5. Sunt tamen justæ quædam ac probatæ fœderis solvendi causæ, puta si cesset conditio, si tempus sit elapsum, si finitum sit negotium; Certum enim est quod fœdera contrahantur ad certum aliquem finem, puta bellum aliquod conficiendum, quod si bellum confici possit Transactione vel aliis mediis, fœdus quoq; quod ad tale bellum contractum est, ipso jure expirat, nam durat eousq; societas, quousq; negotium finitum sit.



§. 6. Non minus ex causa egestatis dirimuntur foedera', deficiente puta pecunia, quamprimum enim collatio annua vel mensura in corroborando thesauro confœderatorum cessat, dasß man den Verlag nicht stârden kan/ cessat etiam fœdus, vel minuitur, & in nihilum redigitur. Warem. lib. 1. c. 2. n. 134. Ultrâ posse ergo non obligantur.

§. 7. Causam deniq; dissolvendorum fœderum præbet altera pars fœdus atrociter violans: Nam cui rupta fides erit vel uno capite fœderis, jurisjurandi religione solutus est, ita ut nullo fœderis capite teneatur, nemo enim mihi imputare potest, sibi promissum non servari, quando primus ipse promissum non servat. Et hæc de fœderibus dicta sufficiant.

## SOLA SOLI SOLISQUE DEO SIT GLORIA SOLI.




### COROLLARIA.

1. *Utrum Politicæ definiri possit?*
2. *Belligerare Christianis num sit concessum?*
3. *Num licitum sit stratagematibus in bellum?*
4. *Utrum Lupanaria toleranda?*
5. *Num Judæi in civitate sint tolerandi?*
6. *Numné peregrini in Civitatem recipiendi?*
7. *An omnium rerum communio in benè constitutâ Politicâ concedenda?*
8. *Num Magistratus Politicus DEO placeat?*
9. *Utrum faminis pascant dignitatem porta, adq; Magistratum admittende?*
10. *Num Princeps Antecessoris sui facta adimplere cogatur?*
11. *Utrum ad idem officium, videlicet Magistratum gerendum, congregandi sint consanguinei v. gr. Pater & filius?*
12. *Num dives pauperi, ratione Magistratus gerendi, sit præferendus?*
13. *Num Magistratus iniquæ præcipienti sit obediendum?*

D

Por.

  
**P**orrò tuum præstes / Et Apollo *fœdera* solvet,  
Proq; labore tibi præmia larga dabit.

*Itea ominabatur de Per-Eximio  
Dn. Respondente*

M. Gottfridus Zapffius,  
Præses.

---

**E**xemplum dum Te Germani PROVOCAT, am-  
plos

Ingenii fructus anticipando refers :  
Materiæ gravitas mentem ad sublimia natam  
Arguit, & sic pergis, ad astra feret  
Fama tuum Nomen, de quo Tua Patria, Fratres,  
Cum Genitrice Parens omnia fausta dabunt.  
Hæc Tibi jam voveo, voto subscribat Jova,  
Atq; meis dictis pondus inesse velit.

*Hæc ad petiitum Dn. Consalini, Fautoris  
ac Amici sui ex omnibus integerrimi  
de novo specimine gratulabundus  
ὁλεκαρδῶς adponebat*

Christianus Schlotthauer/  
Isleb-Saxo.

An

An seinen geliebten Bruder.

Du zeigest hier  
als ein Verbündniß sey. Mit wem es einzugehen /  
Ich sage schier  
Pallas und auch du in gleichem Bunde stehen.  
Ist wahr! So halte fest / denn so der Bund zergeht  
Weis ich in Wahrheit nicht ob Wissenschaft besteht!

Joachimus Neumann/

S. S. Th. Stud.

---

re palàm quisquis rudis formidat in armis,  
Huic Mars armipotens Nulla brabéa refert  
ta sic Pallas nulli decernit honores,  
In Castris lentus qui, Æne luce, later.  
is huic generi tete, dùm corde virili  
Laudandas dulcis spargis Amice minas.  
è factum! cœptis ego grator honestis,  
Dona tibi Pallas, ferta viendo, parat.

*Politisimo Dn. Autori, amico suo  
integerrimo gratulabundus hac apposuit*

Jonas Schulke Tangermünd,

Palæo-Marchita.

---

ß werth-gesinnter-Freund / in Wollust sich be-  
finden  
ie sich den Lüsten nur in allen Thun verblinden/  
ihrer Zeit beherzte Mörder seyn/  
er That allzeit nur führen blossen Schein/  
i mit der Kunst Verbündniß einzugehen.  
nergründend bleibt! und bey den Musen stehen

Als

Als treuer Bundsgenosß/ durch unerschöpf'ten Fleiß  
Erlangen Wissenschaft: Diß ist der Tugend Preis.  
Denn ein erhabner Geist wil stets im Himmel schweben/  
Klim't allzeit Wolcken an/ wil niemals unten leben  
Bey der gebückten Schaar/ die nur in Eitelkeit  
Und grimmer Angst verschleust die beste Lebenszeit  
Die sonst geflügelt fleucht. Drumb wol sich deine Sinnen  
Entreißen diesem Thum/ Dein eyfriges Beginnen  
Entdeckt dem Saal-Athen/ was weiland Du gehört/  
Und was der Majen Sohn dich sonderlich gelehrt  
Von jungen Reinen an: Nun läßt du kundbar werden  
Durch deinen scharffen Sinn/ so sich schwingt von der Er-  
den/

Was ein Verbündniß sey/ und wem es sonst gebühr/  
Und eine Stadt und Land als heller Demanth zier.  
Fahr fort! fahr immer fort! den Sinn noch weiter richte/  
Und Dir des Höchsten Günst/ der Tugend Glück ver-  
pflichte/

So wird Gott/ Glück und Kunst Dir geben hin zu Lohn/  
Dir Kunst Verbundenen/ die immer grüne Cron!

Glückwünschend beeylete dieses  
seinem werth-gesinneten Freunde



D. B. Pforth.

